



蠟味小橐卷四

錢唐張雲璈仲雅書

許匯泉源明府自蜀告歸畫淵明歸去來

辭以示意為題四律

誰能兩臆寄傲人羨君小隱得身已教彭澤追  
元亮豈有鍾山笑彥倫稱體荷衣忘俗態回頭竹  
感前因人生只合歸田好到此方知樂意真

私撫罷自盤桓誰識身曾現宰官車馬不喧三

徑寂田園無恙一家安峽雲乍送歸帆穩蜀道猶

驚宦轍難不學坡公題峭遍東坡有峭遍畫圖長

蠟味小橐卷四

得與人看

勇退終須在急流歸來何惜折腰謀籬邊黃菊原  
同調檻外青山盡昔遊萬事本如鴻印雪一身難  
得隼離鞫遙知父老攀轅日猶望清湘憶故侯  
披圖乍覺旅魂驚十載家山似隔生江樹肯隨鄉  
夢岳雲偏共壯心平硬差苦筇誠多願孤負漁  
竿已少情林下逢君應有媿那堪北酒誦淵明

喜門生鄭芝田敦允及第

泥金帖紙重恩華忽到湘南令尹家青本勝

藍原舊例玉纔離璞絕纖瑕卅年鷓退憐五

里鵬飛爲爾誇却喜閉門小桃李春風吹乍上  
林花

秋氣

秋氣侵人玉宇空漸教危瘴怕西風閒花滿院無  
情思強對朱闌綴冷紅

年來何處說逢時蕭瑟情懷總自知不願人生似  
梧葉得秋常早得春遲

雨中曉發白關

曉雨寒無際長松氣自噴雲埋糶市白山抱醴陵  
青芒屨衝泥滑柴扉隔竹扃那堪行轍慣歲暮未

歸小橐

卷四

二

容停

卧喜晚起而當關呼之不置此稽叔夜七  
不堪之一也感而賦之

城頭曙色翻曉鴉吏人打鼓催放衙流蘇斗帳春  
雲暖一枕迷離鄉夢短鄉夢短日上遲朝叅欲罷  
今可詩君不見邯鄲道上黃梁熟多少盧生睡未  
足

湘南竹枝詞十二首

生綃一幅展江城樓閣參差畫不成岳色南來原  
有意江流東去太無情

花石西來錦石過古塘橋外市門多行人不識消  
江口打槩偏尋易俗河

昭山山上雲樹蒼昭山山下湘流長說著南征應  
齒冷更無茆屋祭昭王

誰耐景物記湘中顏色天然說化工鵝管山霜能  
染紫白鹿潭露能染紅

浙浙金風未授衣秋霄涼露正霏霏青腰玉女今  
何處不見空亭桂子飛

妾住空洲楊柳斜聞郎昨夜泊長沙春江乍緩東  
風急吹送郎船近妾家

蠲味小橐

卷四

三

妾下灘時郎上灘灘流汨汨風生寒且向鷓鴣磯  
畔泊下灘容易上灘難

弔罷江姝有夙因松醪一瓊酌江神不知水府緣  
何事苦爲長沙鄭德璘

早草坪荒綠未刪楊梅洲小水潺湲儂家斑竹塘  
邊任不見湘妃竹有斑

繫纜朱亭落照黃沿堤香草自芬芳游人未解離  
憂苦不拜靈均拜紫陽

江草江花兩岸深江邊離思信沈沈願爲明月山  
頭石分照檀郎夜夜心

估船處處峭帆齊幾度篷窗客思迷莫向湘南望  
湖北生憎湖水自東西

題闕雲山巖觀潮畫卷

三天子都水奇譎壯觀雖誇口難說口不能言詩  
寫之詩不能達人未知誰將繪事傳異景惟賴樅  
陽老畫師先生氣與潮歎薄先生筆共潮起落一  
綫方悲墨子絲萬靈競鼓天吳橐遙連匹練岱雲  
愁入望如茶吳陣惡風雨分馳入座飛魚龍百變  
凌虛作潮頭之來神鬼驚潮頭之去乾坤清愛君  
寫景工難狀開卷浩浩長風生君不見潮水有坐  
蠟味小臺

卷四

四

亦有立坐既可駭立者尤可愕我本生長之江濱  
慣看潮頭與天接峯然而起如銀山疑有奇峯千  
丈階百級又疑馬銜罔象推水成壁壘萬手移來  
幾重壘一潮猶未平一潮凌空更岌岌又或數潮  
竝時起相對遙空如拱揖忽然近前切肩過擊撥  
糾披不可執萬重巨浪合并飛潑向青天天盡溼  
有時相背成兩已東折西旋尤戢香後種前胥洵  
有靈吳儂譁卸陽侯泣我讀此畫神已王更復爲  
君述其狀君如添寫立潮圖定有奇情在天上惜  
哉此景不見近廿年鄉心飛墮江樓前看君筆底

波濤走便是夫差水犀手

醴陵道中

雙槳劃波開輕船淥口來水無三里直山見萬重  
廻築垣衡流出飛輪激浪催

管車狀如車輪排列竹筒激水旋轉貯水

筒中以

頗聞新令尹叔度最多才  
時吾鄉黃竹庵新葺斯邑

題關雲山我我圖

我能識人貌不能識己面已面還憑鏡中見鏡中  
之面繫何人鏡外之人能寫眞寫眞自得眞面目  
頰毫阿堵全其神以人鏡人難互證以我鏡人不  
相應惟我與我爲周旋面目性情纔一定先生悟

蠟味小案

卷四

五

此意自超神妙早已窮秋豪涼波一片形共影眉  
宇落落天風高賤子形骸空自量每抗塵容走俗  
狀頭低久已類宛邱腰折何曾傲元亮偶然現出  
宰官身終恐裝成寒乞相頭顱羞對畫圖人拋擲  
菱花動惆悵

次韻彭鷗亭觀察美人風箏三首

誰翦湘筠著意編珊珊舞態自生妍不隨圖畫輕  
鸞杳長傍鞦韆綵縷牽橫得釵梁眞却月皺來裙  
褶比畱仙底須苦憶凌虛步占斷春風又一年  
柔荑纖指巧相編贏得臨風分外妍身世不堪三

月晚情懷惟賸一絲牽賦來神女鬪嫌雨吹下飛  
瓊不是仙莫道封姨常借力卻將飄泊怨羣年  
瘦骨玲瓏藉竹編幾回凝望不勝妍身從躡影飛  
空去心爲裁雲鏤月牽寒女昇天原是幻靈娥偷  
藥早成仙桃花又遇春風笑人面居然似去年

黃薊泉癸酉報罷後陸小竹取唐李廓句  
爲畫中酒別人圖走筆題贈

書生萬事不挂眼只有名心未容緩歲月功從章  
句銷英雄氣爲文章短吾友姓氏江夏黃屈宋之  
豔班馬香頻年困頓不得志校人魚豈同濠梁美

蠟味小彙

卷四

六

玉雖沽價猶待天涯知何人在不識秦書十上  
難空勞宋楮三年耐始知下第情懷惡佳句傳來  
惟李廓別人中酒兩難分萬古心胸竟誰拓前人  
旣已形於詩先生復以畫寫之不知此意詩畫所  
不到嘿嘿祇自中心知昔我當時遭勒帛邱爲落  
筇憑誰惜船過日月未能攀手近天星詎容摘秋  
風蘂榜偶生香春雨瓊筵總無色雙眼難逢知己  
青滿頭早爲窮途白先生豈是長貧賤會識風雲  
一朝變中酒終教酒乍醒別人定是人重見君不  
見易重宣名獎藝奇一春竟得兩重枝又不見孟

賓于作華山卜吉兆成時數已六人生遇合非無  
端易者自易難者難君今不必較難易明年仙桂  
生平地

轅駒行

轅駒來何虺隤爾生既爲駒安得不受羈勒裁朝  
戀枯其暮戀豆誰信爾是驛驪才圉人牧馬共馬  
語爾飢爾渴皆我主能服鹽車上太行縱是駑駘  
亦可取束之復縛之謂可稱循良馳之復驟之謂  
可誇騰驥但教在我轅下過安得謂我非王良君  
不見鄰轅有馬常馱駕居然得售千金價

蠟味小橐

卷四

七

試院煎茶圖爲宗五稼秋霽明府題

坡公雅人具深致通守杭州作監試煎茶試院聽  
松風澹得撐腸五千字稼秋先生心慕之恰當冰  
鑑秋來持快逢佳卷破孤悶正是風生兩腋時君

酉分校秋闈圖  
蓋作於此時

賤子同時與分校也覓塲壚安石

銚活火煎來學李生不數軒轅蚯蚓竅往事於今  
已二年展君圖畫生流連不徒光景長留目使我  
鄉心更悵觸

黃茆鋪有虎逸至傷數人土人羣斃之來  
獻因記其事

逐虎人與虎俱壯殺虎能使虎威喪虎死猶懼虎  
復生說虎時看學虎狀黃茆有虎似空下不肯負  
峒翻在野欲將傑句寫奇情安得筆力如虎者初  
時人畏虎虎強人弱莫敢侮後來虎畏人人衆虎  
寡無由嗔一重塵壒一重界一重鼓譟一重械如  
牆而進復數重初勢取寬後取隘虎作人立與人  
爭人作虎伏伺虎憊乍看血色就地殷旋見斑毛  
觸鋒敢合圍猶復生跳跟拗怒終憐死齟齬野人  
獻虎如獻俘縣官賜酒如賜醕君不見窮寇之勢  
在必拔傷人之罪在必殺虎兮虎兮嗟爾騰上之  
蠟味小稟

卷四

八

氣安可達

陳笠帆中丞書來垂問近什抒懷感德謹

獻四章

詞臣分陝重來旬煦徧沅湘大地春開府早看權  
字貴秋卿旋聽巽言申公爲方伯旋護撫篆  
擢少司寇在湖南僅

財耳十閱乍依節鉞民情喜快論文章士氣伸莫道楚  
南恩未洽至今父老說津津

傳聞鄉國萬人歡多少前驅共負簞一至歐公心

乍慰三年白傅住偏難

歐陽公生平未嘗一至杭  
州此邦之人以爲恨此孤

山僧惠勤對東坡語公出撫  
吾浙纔數月卽移節山左

陽春方被湖波暖化

兩翻杼岱色寒我望旌旂如望歲部民畢竟勝衙官

似此雕蟲亦可憐敢從明鏡說媼妍碧紗已分難  
籠壁如意居然不帖賤一瓣心香長宛轉千秋文  
字有因緣生平未藉吹噓力今日春風欲上天  
入世原知百不工從今敢自惜途窮送人作郡成  
何事對酒當歌且一中眉黛未逢張水部壺盧虛  
問陸江東舉頭尙有龍門在誰信終焦爨下桐

題舊團扇

依然如月墮懷中檢點羅紈色已空畱得年年清

蠟味小棠

卷四

九

怨在不知經過幾秋風

關雲山傲九龍山人筆意畫竹鑪圖於王  
書巢司訓扇面司訓索題走筆奉正

梁溪古刹名聽松竹鑪製作誰與同九龍山人見  
而喜形模細寫丹青工後來圖失鑪亦毀冰壑侍

郎盛

仿造重在昔題詠軸如杵李西程篁倪文謝正

定文欽諸公匏庵吳

往事記已亥從此過眼煙雲空

納蘭侍衛成德

嗜秦炙梁汾舍人願得楚弓凡物

顯晦自有數小長蘆叟源能窮我曾墻鄉往來熟  
扁舟屢泊西神峯既經見鑪復見畫至今什襲空

王宮盃鬲敦膚製彷彿上坎下巽離在中 宸

章千春相照耀開匣驚跳天門龍第二名泉煮陽  
羨醞茶七瓊追坡翁卽今不見逾卅載便面忽訝  
當時蹤盤陀平似青玉案貼安位置煩羸童樽壺  
旁列悉妍雅妙技定欲推時龔甘蕉葉夫天畫綠  
兩腋早已生清風君家孟端如可作瀟湘雲夢還  
羅胸氣蒸雲夢三春雨聲帶瀟湘兩岸秋王孟端  
竹鑪句也

蓮花曲爲蓮花生日作

銀河水滿涼颼瑟吹動蓮花香四出癡兒駭女抱  
閒情都說蓮花有生日蓮花生日憑誰記六月傳

蠟味小篆

卷四

十

來二十四聯船取酒碧筒香知爲稱觴一時至橫  
塘一夕水三篙十五吳娃兩槳捺但祝花容同妾  
好莫教花意似郎消風裳水佩誰爲主再拜花神  
共花語蓮露穿成却老珠蓮絲搓就長生縷蓮絲  
蓮露竟如何渺渺湘江萬柄多一片琉璃香世界  
慣看仙子緩凌波六橋回首花如錦鄉夢宵涼紫  
角枕薦馨合配水仙王高會思同河朔飲秋入輕  
雲護絳紗曉來采色豔明霞東西南北皆蓮葉歲  
歲長開十丈花

朱亭往還雜書十絕句

舟行下水愛輕便上水空勞百丈牽我亦明朝旋  
放溜不須眼底羨來船

大舸高桅勢轟雲笑他帆葉破紛紛如何略藉吹  
噓力已較淹畱勝一分

破帆終勝於無帆此世所以欲憑藉也

臨水柴門晝不開門前江影自徘徊長松高柳檀  
欒竹圍就山家綠一堆

幾番打槳入前邨忽見遙峯黛色昏欲向昭陵灘  
下泊夜來風雨暗三門

柳影臨波護晚涼漁翁曬網趁斜陽鷓鴣枉與魚  
爲怨一寸鱗鱗不敢嘗

蠟味小橐

卷四

十一

舟行最好是輕陰愛看雲煙護遠岑十萬沿江水  
楊柳倒垂涼蔭入魚心

豈是東坡烏角巾枉教父老識浮身青山對我嫌  
頭白只有蘆花不笑人

緬想朱亭講學蹤不知還有蓋愆功曲將軍死待  
離敗強爲南軒恕魏公

傳聞杜老舊停舟遠浦初看鑿石秋笑我年年來  
往熟更無人世說句畱

紅氈青笠總塵容愛此篷窻景色濃蟹舍魚莊菱  
芡路水鄉風物稱吳儂

一徑

一徑踏殘葉四山生薄寒鷺分秋水白楓助晚霞  
丹搖落知悲早倭遲識路難輸它茆屋底野老共  
盤桓

獲賊行

今年獲一賊明年獲一賊盡說罪人已斯得檻車  
琅琅從西來載得渠魁人未識道傍爭看車中囚  
車中之囚有驕色百里供一宿十里供一餐餐必  
珍羞具宿必莞簟安供帳偶不備囚乃慢罵及長  
官吏胥畏威不敢侮幾欲矢負前驅簡有人陰復

蠟味小棠

卷四

十二

助其勢恫疑虛喝從旁觀邀囚之喜激囚怒驛騷  
事故生無端 朝廷之體竟安在敢使此輩成愚  
頑 帝闕迢遙四千里犯暑奔馳汗如洗亂臣  
賊子人得誅不願囚生願囚死鬼賊從來不可知  
其中變幻竟如斯冒功已覺心多險冒死還看事  
更奇彼囚人作它鄉客家山欲返關河隔借將械  
送作旅資翻因重譴成完壁 皇家不殺無罪  
人其事可恕巧可瞋熱中遂致遭愚弄冷眼何曾  
混假真

俞是齋畫柳爲稽謹莊題

何人寫出風中柳云是梁溪故人手故人亡去四  
十年看畫思人重回首俞君畫法洵可傳脫指所  
到生雲煙雲煙過眼雖容易此柳依然張緒年春  
雲黯澹春風大捲上餘寒如水過絲絲東面受偏  
多惟有輕陰吹不破我生本在錢唐曲慣看柔條  
蘸湖淥粉閣長遮畫檻紅游塵爭舞春袍綠伯鸞  
溪上好樓臺處處垂楊圖畫開帆影三千隨岍轉  
飛花十萬渡湖來卽今風景疑前日感舊心情如  
有失却從衰怨楚蘭叢空對蕭疎蚯蚓筆

湘江道中

蠟味小案

卷四

十三

水滿三湘岸春深二月天送人青嶂外買酒白雲  
邊薄宦成寥落羈愁感歲年不堪鄉國夢夜夜在  
吳臈

檢書籠得亡室寄妹書橐愴然感懷因函  
封之而記以詩

細字蠶眠見淚痕瑣牕閒展欲銷魂久拋孤櫬荒  
原冷賸有蠻牋絮語溫十載音容空復爾一生心  
事竟誰論辛夷蕭洞花無恙忍看棠梨照墓門

縛鹽梟

淮南私販頻年慣官引銷遲鹽法亂有司緝捕終

歲勤只恨根株難痛斷去年闌入鑿江口大艫連  
檣十八九此曹亡命惟利趨迹比探丸結習狃官  
兵迎捕擒其梟餘者一二鳥獸逃潛來楚地息殘  
喘漢陽大令窮追勞窮迫直入中湘界狹巷相逢  
生齟齬陡然縛去人不知翅孽寒雲鷹隼快大府  
入 奏稱其能上考特署 天顏承中湘有官  
不敢羨自愧迂拙成模稜吁嗟乎拙者徬徨待吏  
議能者遷除定不次豈知能拙兩相看依然未改  
頭銜字

察吏行

蠟味小藁

卷四

十四

朝察吏暮察吏察吏應從州縣始其人賢否在平  
時何事頻將耳目寄耳目之寄亦有方察於所屬  
言無荒太守觀察本切近豈肯信口生雌黃孰爲  
才能爲選懦孰爲貪暴爲循良大府總成資攷覈  
一一坐致相平章又或察之於同列片語單辭參  
衆說彼此政事可互觀卽是趙家鉤距訣又或察  
之於細民此曹日與官相親不將恩怨生調語卽  
此可知風俗醇察吏之法不過此先要激懷如水  
止物來畢照我無心以察爲明亦徒爾今且察之  
在吏胥純以風聞迎意旨竟使一路專城官若輩

公然動臧否所察愈下察已消所察既浮察何裨  
不但輕隳志士心直教大損 朝廷體牧今有重  
任界以墨綬紆民命寄百里豈僅効走趨  
天子引之見且復煩

都俞如何束縛之竟與簿尉俱况復貝錦言大抵  
宵小之唾餘善善惡惡兩無益徒使識者扼腕生  
長吁君不見煌煌攷績有良法何用陰探密刺爲  
令甲

次韻廉使徐晴園先生三月二日至岳麓

書院訪袁峴岡山長同遊岳麓寺八首

蠟味小橐

卷四

五

吹徹松風萬頃濤寒空擬借赤霜袍山連遠樹青  
排闥江抱春城綠上篙弟子書聲臯廡月先生吟  
興楚天騷蘭荃舊是掄才地費盡當時弱管毫

知公逸興動高雲官閣香携侍史薰畫戟曉排丹  
嶂日干旄晴拂絳帷雲臯北設座橫經在書帶沿

階細草芬爲憶當年朱太守只將重建記前聞

書院創於宋開寶郡守朱洞吳草廬有重建岳麓  
書院記

弭蓋同過竹外堂九天珠玉見熒煌珂鳴楚珮因  
風遠枕汎緗花帶露香煦徧聞齊戴德種來桃  
李總成行讀書自是憐初地一卷青燈詎肯忘

石級危憑老樹根勝遊渾忘隼旟尊莊嚴龍象蟠  
香城迢遞松篁護院門上界人天齊抗手諸生文  
字細重論畱題定欲磨崖徧不惜藤蘿赤指捫  
碧殿頰廊一望幽目窮且復上層樓風煙入座三  
湘合嵐影隨帆九面浮自昔名賢傳舊蹟于今嘉  
會記同遊相逢處處資吟賞學舍何容笑宛邱  
觴詠流連感昔賢龍門風月本無邊迴闌花冷垂  
紅薦古殿燈涼繞翠煙到處皆爲畱客地何人不  
是在山泉東峯茶晏休相擬欲借茆庵恣討研

蠟味小橐

卷四

七

爲主賦到西都自有賓賤子空畱鴻爪雪羣才爭  
拜馬頭塵眼前東卷多于筍不媿揚風扞雅人  
承乏官微後俊髦牘塵何敢浣文濤難從末見希  
囊穎剩有歸心折大刀太史自憐牛馬走超宗人  
笑鳳凰毛卽今俗吏看如此咫尺靈源竟憚勞  
雲 羈于職守未曾一遊岳麓

哭梁山舟學士表兄

維摩丈六身方丈疾未已歷劫五百年神仙亦竟  
死古來仙佛尙如此何況推排人世近百年必至  
於敝爾後止嗚呼先生長已矣先生本是金貂胄

門風鉞鏤由來舊早年已作玉堂仙晚歲猶叨紫  
泥授

先生重宴丁卯鹿鳴  
晉秩侍講學士

臨池突過米南宮文筆

峻於柳子厚祇因書名徧天下却使文章翻在後  
我於丁卯來南楚先生時年八十五清臚炯似電  
光寒華髮蒼於松鬣古紅塵之內得前修強仕以  
前先解組身逢老境蔗逾甘人識歸田筍非苦期  
頤之算不易邀先生得之券自操如何區區不更  
昇頗怪天吝先生遭君不見韓杜歐蘇尙不得七  
十先生笑視非同曹古來重名不重壽名壽得兼  
甯非豪世人愛公書片楮皆什襲賤子尤所寶書

蠟味小藁

卷四

七

札每重疊郵筒往復數十年積之可以盈一篋去  
年開緘不覺惱盡飽蟬魚不可拾始知神品洵有  
神居然壺亦成仙真其時正得公惡耗同公怛化  
非無因我初入仕憂心愀別公囑我還鄉早十年  
我正欲思歸公已乘箕凌縹緲嗟我亡母公老姑  
葭葦之痛何時無公今死不朽詎必長生術長雷  
姓氏在人間看公仍是神仙佛

憂旱

離宮劃天開主宰赤熒怒火雲聳山岳燒徹莽翳  
路窯成六合烘天乏四禪護狂龍與踰鳳一氣扶

日馭大地皆祥延安用縹緇御當暑不暇憚但憂  
絕霖霖卽今大田中頗見黍稷穰奈此雨澤愆天  
意與人迂如渴不得飲如飢不得食如病亟求治  
如嬰時待哺畦圻兆比龜人忿涸同鮒驕陽紅皎  
皎不肯少退步狂飈日奔馳又復從而助偶占西  
郊象終被南薰如禱雨先禱風庶幾成布時兼禱風  
繁露省垣南門不啟小吏曷敢康日向叢祠赴高屣而下  
首詎謂恭已足鼓絕應龍興河少黑豬渡商羊地  
底埋石燕洞中鋼巽雨無樊英占雨乏管輅旣無

蠟味小橐

卷四

八

神馬使并少蚩尤布夏初苦滌潦日日簷瀑注使  
得尺寸分豈不豐年屢穰穰青欲槁對之成癡癡  
若無罪就死若棄置弗顧農人事營救作力脩水  
具明知不可繼且復盡且暮俯仰天與人其罪將  
誰傳天平安敢懟人力更何措揆彼致旱由未易  
測其故刑章豈枉濫曲直或回互自分庶獄間從  
未師心悞不入酷吏傳平昔所羞惡甯爲顧建康  
肯學崔宏度又或浚我生民怨有所訴不肯累問  
聞此意信有素毋乃實不才迂闊遠時務縣令縱  
不德與民亦何預縣令縱不德斥之可立去因是

殊及民天理亦舛錯區區守土官何足爲比數我  
非束先生生長生非所慕惟持一寸誠崩角向空顛  
願將農夫汗化作九天澍

久旱多爭水之獄又見一區之田或有水

或無水苗之榮枯不一詢之一有水分一

無水分故也爲之慨然

甫田旱圻兆大橫農人與水性命爭一心與水分  
死生有水防水如防賊無水見水如見食急而求  
之有妬色豪奪渾忘畛域分巧偷惟恃堅強力到  
官事鞭笞彼亦無所訴究其所以然但爲口食故

蠟味小豪

卷四

十九

繩之以罪誠無辭揆之以情猶可恕亦有循良輩  
無敢取非有東家之水尙滿溝西家之水僅盈缶  
自顧更無涓滴畱橫索何曾結習徂良苗眼見已  
全枯嘿嘿眞如箔在口吁嗟乎古時耕者且讓畔  
今人勢若鴻溝判安得有無之際常相通彼此共  
濟成大同

喜雨和王書巢司訓

我昨憂旱中懷煎作詩獻君絳帳前卷韞鞠脆共  
祈請君亦蹙頰心茫然裔裔之般不到地蟲蟲之  
氣將薰天倘教女魃終肆虐環視四野應無田祝

辭琅琅向空奏請命神前望神救一禱再禱禱且  
三神亦飏然効奔走檄召天符下東井鬼馭神鞭  
陰帝騁聾蟲階雲四十里白虎乘箕大颺猛山中  
黑氣如窳煙雲挾礮車兩搓縷勃然之苗宜立興  
下民呼天天可膺天可膺識民苦民力已殫究何  
補只有農夫汗能濕禾下土君不見東家之田早  
龜拆西家之田漸如石東家西家共阡陌安得有  
雨更三尺一半無成半有益嗚呼問天竟誰責此  
雨若在十日先多黍多稔稱豐年此雨若能三日  
久甌窶滿篝亦何有人言此雨尙及時我謂此雨  
蠟味小棠

卷四

二

惜已遲昨宵風雨疾如駛君詩之來兩方止讀詩  
拜君惠不敢共君喜若得君詩和雨續續來此樂  
須知從此始

昭陵灘

山石趨過江石東江愈急昭陵水縮時其勢轉凜  
潛水底石磊砢疑有階百級或如牛馬騰或如龍  
魚螯或如棋局布或如車軸接或如牙露齧或如  
骨隱脅如盤復如磨如箱亦如篋夷俟未許箕插  
腳僅容屨舟行石罅中往往戒弗戢避之常宛轉  
遇之每重疊入望心已愁欲過魂早攝大船載百

貨於此歛篙楫偶一不自持觸損在眉睫烏合有  
小舟探伺來數十其名爲救援其實相搶襲陽爲  
索所酬陰乃利其入來旣不可知去亦未能執形  
神如鬼賊心事等盜劫曩時有鐵桅鑄向洪口立  
碑之識榻槩循塗可無怯不利於此輩潛壞難拾  
葺至今商賈來到此每懷懼官因設引洪爲置艇  
數葉導之出坎窞庶得安所業日久弊復生依舊  
狂結習前年唐吳輩故智萌又輒我乃痛懲之屢  
上大府牒迄今上下灘行旅稍安帖前年有載錫  
船過灘損於

石宵小吳姓唐姓駛小艇詳爲救援擠其錫  
水中而陰匿之余乃痛繩以法追取原物

灘險

蠟味小豪

卷四

三

人更險雨險每相涉欲令灘險平毋使人險集

觀音巖

懸嵯如積鍊卓立江流空上有觀音寺傑閣凌天  
風危梯不可上頗覺結構工有若乳燕巢築壘依  
梁虹又若冷蜂房膠綴老樹叢山僧時出入隱現  
嵐氣中憑闌一俯瞰屋與江俱東徑欲携襪被其  
飯秋末菘山僧似相訝微笑開方瞳君豈此中人  
何用濶乃公依然解纜去塵跡慙匆匆

不如早歸來六章

思歸非一時所思日以切如彼水流東終古經萬

折我歸雖無家我思自有說當其筮仕初中懷早  
冰雪近復逾十年於世亦久闊縱再十年餘豈更  
因人熱觀書尙有眼說詩尙有舌不如早歸來冥  
心托巖穴請聽劒首吹不過此一映容眼盡華  
在昔鬢如星今已頭如霜余髮旣種種安用較短  
長我雖不屑較人偏相絜量萬事不如人祇此一  
念涼我本無三徑何處說就荒不如早歸來再覓  
東籬旁平生少知已頗覺恩怨忘惟有山吏部數  
語感中腸惜我齒已衰無能効騰驤矯首望岱雲  
岱雲遠蒼蒼

謂陳笠帆中丞時撫山左

蠟味小稟

卷四

三

坎墮終我身何從說遭遇早年充秋貢中歲作流  
寓近今十年中始得宦轍赴區區本分官僅是循  
故步非關推轂來非關薦牘附非關別頭試非關  
斜封注六十老許君空自頭顱顧不知何與人而  
乃遭嫉妬嫉妬安足云祇悔初心悞不如早歸來  
聊以行吾素  
朝來大府趨各自趁心競入廡而修容冠服盡華  
盛或以薦剡誇或以彈冠慶迂者廁其間未免嫌  
不稱但見彼才多轉覺吾拙病彼才亦豈多吾拙  
毋乃更不如早歸來今古定有命十年太祝張三

絕廣文鄭

年年人作郡送之遑問它所嫌路鬼來其奈挪掄  
何路鬼前致辭願君責無苛心有所不平豈敢作  
誚訶君之所送人豈盡皆魏哉君久不作郡何以  
致蹉跎一笑謝路鬼吾心無媿娶卽此且不戀遷  
除安足多不如早歸來印綬依煙蘿請看古井中  
何由起微波

昨宵夢湖山醒見一房綠天合生西湖已是多厚  
福乃不知自享名利就縛束及其晚不達始復慕  
松菊自謂能知止中懷仍未足願我亦類是其實

蠟味小橐

卷四

三

異流俗兩峯三竺間可以容小築事固難猝就意  
常先自蓄不如早歸來毋使亂心曲甯爲腐儒餐  
莫共鄙者肉甯棄上竹魚莫忘覆蕉鹿

虎偃行

猛虎出山欲搏人前有虎偃如鬼神導虎食人意  
自得不知身本爲虎食虎怒偃亦怒虎喜偃亦喜  
虎不得人偃不止人不虎死實偃死偃兮偃兮毋  
乃損人不利已卽今有虎腹正飢偃鬼晝夜來相  
依甘爲虎奴奉虎欲弱者盡是強之肉

沈澹園觀察畫冊爲令嗣憩亭題

先生山水緣到處費紙筆畫徧山與水豈惜五日  
又十日憩亭示我梵夾圖先人潑墨猶模糊山光  
雲影共吞吐中有靈氣涵虛無先生宦跡遊徧壯  
看山直到青天上蠶叢魚鳧在几席萬里歸來定  
惆悵畫山當畫蜀道難刺天耿耿羣峰攢先生下  
筆無鹵莽其意乃在窈窕冲融間朝來展玩圖八  
幅拄笏相看猶未足傳聞安石在東山高卧錢唐  
飲湖淥卽今遺墨已千秋公子空懷手澤畱墓門  
宿草誰憑弔腸斷當年顧虎頭調冊首晴沙觀察  
題句

引疾未果門人劉雨林霖以爲余將歸也

蠟味小橐

卷四

三四

贈詩送行因答以四絕句

頻年簪紱抗塵容欲泛扁舟學釣翁昨夜西湖煙  
水夢又隨飛絮隔東風  
嘒嘒羈愁未許歸可憐依舊傍人飛隴頭回首巢  
痕在誰更開籠放雪衣  
小山叢桂思茫然幾度鄉情托遠天珍重故人招  
隱意驪駒唱徹未行先  
心如古井不成波身似勞魚赤已多何日西泠橋  
外路倩人苔樣買寒簑

黃花耘

本驥

虎癡

本驥

昆季寄示拜嶽草

用開中登視融峯絕頂作歌韻奉題

君才光燄誠萬丈欲與衡峯勢爭上生來原是不  
羈人到此胸懷盡豪放仰天噓氣生金秋插腳徑  
向浮雲浮公然昂首來題石功比摩崖最上頭我  
宰湘南歲逾五每望山靈不能語羨君狂態似飛  
僊吟上天門抱天柱湘岸迢迢三百里一綫洪濛  
墮青紫珠塵玉牒等閑看下視九州平似水奇景  
發現君文章絕幽鑿險無渺茫難第一記洵殊絕  
爽若霞彩紆秋光平生五岳僅登一泰岱奇峯天  
外立祝融咫尺縛屣難萬事都因折腰屈神仙窟  
蠟味小窠

卷四

三五

宅居岩阿古隱君子由來多軒轅道士不可見但

見山鬼帶女蘿嗟我無端落塵夢思親空覓雕菰

種定知芝草奉叩爲底須采藥隨韓眾時爲其母夫人祈年

門人桂杏農書孝廉出宰肥城却寄

幾番短袂惜頻分余與杏農壬戌別於武昌丁卯又別於都門除目朝

來喜見君黃祚家聲人鼎貴杏農派衍覺羅河陽花豔

桂同芬十年楚國懷吟社一片齊煙隔暮雲我已

久飛成倦翮不堪回首說離羣

黃花耘孝廉將赴公車走筆送行兼謝杜

集之贈

短裘匹馬金閨客長揖逢余訴離臆行將待 詔

上公車已動長安萬人色長安多少遊俠子選舞

徵歌不知止惟君跌宕公卿間寫貴詩篇洛陽紙

看君意氣何騰驤聲價欵然來玉堂此事本屬君

分內得之亦復成尋常得與不得且有命豈必以

是較短長世不重才但重位惟視科第爲飛黃有

才一旦忽遭際才氣自與相頡頏雅人往往此念

俗豈盡結習難爲忘結習之徂匪今始其源直溯

自李唐願君努力同餐飯慎勿移意它途嘗明歲兼有

批我今爲設現身法泥塗之辱將何償枋榆飛搶

蠟味小橐

卷四

三

作鳩鷲安知我輩非鸞鳳感君遠來起我病一編

詩史相携贈中有評泊王田查前輩風流堪就正

香芸拂紙走蟬魚大筆丹黃色同映君家先人手

澤存端肅真宜束帶迎君惠杜文貞全集中有王漁洋田山薑查它山評點

丹鉛狼藉君之曾大父藏皋老人爲之跋語蓋其家藏本也就中有語兆我先

深山結茆願應稱藏皋老人跡有它年歸里深山

娛老之地云云平生不合類所如早擬一官同墮甌宜乞

寶杜顏吾齋它日相逢爲左證卽今趨向兩不同

君正出山我歸興謝君再拜還送君不敢僂言瀾

君聽

清風閣弔衛明府 名學環山西進士

閣在縣署後相傳爲宋時建雍正十年  
某其有衛明府宰斯邑剛正不阿邑顯宦某  
家居屢以事干請衛拒之顯宦怒將中  
吾與相會以危法大府阿宦意衛不能堪自經於  
會長孫高閣人咸嘆其寃嘉慶十二年邑令吳鹿  
柴 哲 納涼後院時見旋風起於閣下心  
疑之詢於老吏得其實乃爲位祀閣上  
閣侵朽今年秋子爲葺之祀以牲醪因  
爲詩以弔焉

蠟味小豪

卷四

七

清風閣上陰風颭衛公靈爽生金秋不畏彊禦見  
骨力肯對勢豪成面柔傳聞公當下車始侯門氣  
酸無與儔世祿之家鮮由禮怙寵不顧旁觀羞脾  
睨大府若奴隸輕賤邑宰同馬牛父爲名臣子欲  
誇身居高位徒貪賤道路以目不敢誇觸諱往往  
在轉喉會有公事來諉誣公乃怒斥鬚如虬執法  
還以法相中恫疑虛喝時搜求欲加之罪何不可  
媒孽其短將生憂一朝朱絲竟畢命自襲長夜空  
悠悠公胡不畱身有待不爾勇退在急流天空海  
闊任飛躍富貴本是浮雲浮公之輕生毋乃遽頗

疑鑄錯煩六州惟士可殺不可辱鬼門甯似權門  
愁雖亡傲骨存傲氣終勝烈燄無端投世間萬事  
誠有數却怪秦客辭先廋先是民間有事不能白者輒曰衛鬍子不能伸  
竟不知語所自起無何公及竟符其讖公固多髯也蓉江明府延陵裔坐看  
羊角扶搖收知公尙有不平意鸞輪激宕凌空遊  
延陵爲公妥魂魄栗主虔奉虛堂幽我瞻高閣肅  
再拜層梯欲上衣還握陳牲酌酒試一告靈兮倘  
許來歆不惜公之死感公事八十一載神長留

輓門生彭星使孝廉十六韻彭名王軫余今年秋以暴疾卒年二十八癸酉分校士

### 蠟味小橐

卷四

五

相別時無幾傳聞意乍搖事誠難索解魂已不堪  
招未識冲天鷓偏來止座鴉才華方爛漫精氣忽  
亡消楮葉三年刻曇花一現凋隳虛煙寂寂燭暗  
塵蕭蕭冷落單門祚纏綿二豎妖白頭齊下淚黃  
口竟誰嬌君有祖父母父母而無子嗣憶送椿庭旃言停江水  
橈廻船成小聚滯酒別深宵豈意句畱日旋爲永  
訣朝君送其尊甫赴粵西至湘潭而返飄零桃  
李色哀怨芷蘭謠老父書沉浦時尊甫去後尙無信遺髮血  
染綃故人俱待 詔之子獨乘鸞杜老非關瘡相  
如遽病瘠平生風義在未覺寢門遙

懺心寺

在湘潭西郭明太宗伯李騰芳捨宅為寺今雖頽廢而規模尚存

懺心古寺鬱崔嵬會說尚書捨宅來鳳鐸喚醒塵

外夢龍香銷盡劫餘灰十三陵已冬青冷二百年

猶碧殿開公早騎箕應佛佑滄桑不使一身摧尚書

先明亡十年卒

即今初地已荒涼忍草禪枝舊有香畫壁珠塵縈

寶相繡幡煙色隱虛堂空王晏坐看興廢老衲逢

人證短長不及八修開利寺千年龍象護蕭梁懺心

為李氏香火毋許外人募修其後裔率多貧薄無力以故日見頽廢

田開利寺唐姓建自梁天監一

新前後凡八修矣以視李氏為何如也

蠟味小案

卷四

三

蠟味小橐卷五

錢唐張雲敬仲雅

奇孝篇爲廬陵孝子王立齋作

世間奇孝那有此萬口爭傳王孝子孝子之孝純乎純豈欲奇行驚庸人我來試爲徵數事始知孝子自有真我聞孝子廬墓日落日空山心不怵青林風雨鬼神來哀響徹天天爲泣驚起猛虎欲噬人虎聞哭聲亦變色孝子肉甘虎敢食孝子心苦虎早識斂威帖耳歸山中孝子安然畱聖室杖而後起憑枯桐枯桐染淚斑斑紅孝子心與桐久死

蠟味小橐

卷五

忽然生氣來相蒙一點芽生一點血枯桐雖寒血自熱居然榮茂得經時純是精誠所融結又聞山中乏水源眼枯吻渴無人憐憐孝子者惟有天道旁忽涌飛來泉孝子飲之其神全行路飲之感且歡以人名泉洵可傳茲三事者皆非人力之所致稱以奇孝其誰曰不然公子翩翩步玉堂調令嗣太史贈方請於朝廷事表揚烏頭綽楔生輝光卽今詩篇徧海內一一珠璣兼琳瑯我歌其事舉其要君不見孝子之後復有孝嗚呼孝子之後復有孝

汪大勗齋

進

契闊十餘載矣客歲自吳門

來訪余於湘南官舍翦燈話舊惘然於懷  
嗣出素箋索書因成斷句四章志相見之  
難堅同歸之約終不知我兩人聚散何如  
也

昔年都講有前因三世交遊剩幾人  
先少司馬受業君祖水蓮  
先生之門雲墩又受業  
尊甫兩玉先生之門  
不道相逢蘭芷地桃花潭

上舊汪倫

良袂判來十二年而今相見各華顛  
婆留鄉語分明在話對簷花細雨天

風前鬢影雨蒼蒼君泊蘭橈我泛觴  
等是天涯歸

蠟味小橐

卷五

二

計晚入生消得幾迴腸

回首家山願已孤西湖煙水久模糊  
何當同把漁竿去添寫紅衣入畫圖

題毛秋伯明府

夢蘭

洞庭春汎圖

楊州跨鶴鶴不肥隋苑看花花亂飛  
卅年寓公老作客我曾舊住蕪城西  
一枕繁華夢鶯花滿眼紛催送自從  
宦轍到湖湘雲山回首鞭絲控插  
腳由來塵劫牽黃紬被底癩猶眠一朝  
脫穎逢毛遂治譜成來恍我先昨朝示  
我圖如杵開卷几席生雲煙云是宦遊  
初涉處岳陽樓上眺湖天洞庭

水滿春濤白萬頃涼波揚片席篷牕坐倚綰絲人  
原是當年釣鼈客晤君我心感披圖我心羨君家  
桑梓我舊遊咫尺晤君未相見君居揚之邵伯  
埭故素未相晤相  
見居然共一方比似同鄉亦堪戀頻年科第如摘  
髭轉使臨風人泣卞終賈曾傳 帝里名機雲

喜識江東面卽今敷政聲洋溢報取書登指先屈  
圖中景物憶來時一樣天涯鴻印雪作仙吏具仙  
才憑空長嘯湘雲開指點乘風破巨浪知君萬里  
胸懷壯

羅城行爲崔孚山明府作

蠟味小橐

卷五

三

崔孚山名鈞山西長治人初爲廣西武  
宣縣廓鎮巡官值仲苗滋事崔乃裝丐  
者獻奇計破狝匪於紅水江上游擢至  
羅城令又爲丐平反朱德奇冤獄來賓  
縣有聚劫案首名未獲大府檄治之又  
爲丐走千里悞入越南境以違例被劾  
戍新疆時嘉慶十三年也前後凡三爲  
丐在戍六年釋回將携家柳州過潭貽  
余吉明府彥英所紀事略奇其人餉朱  
提一流走訪不值因作羅城行

不愛作官愛作丐羅城大令誠狡獪官之事業以  
丐成丐能成名亦敗名

皇帝丁巳某日月狎苗滋事黔及粵紅水江上屯  
官兵謁負無能入虎穴彼苗狂悖屢致師頗聞我  
軍有挫折武宣巡官清河崔捧檄軍門獻兵說大  
府奇其人謂可張一軍君曰不願爲將佐但願易  
服溷跡播間身於是挾筐篋携益益麻鞋與竹篾  
儼若乞兒樣恃此人不識直入苗寨探苗狀狎所  
畏者擺邏猺擺邏猺勇能制苗惟有泗城土府岑  
文淵驅策擺邏如兒曹君偵其由得所主稱妮潛  
行向岑府一意原爲荷殿行旁觀但作吹簫伍陳  
說利害如懸河文淵聽之無敢阻竹剖人面一十  
四兵調髦頭六百五文淵家傳一竹符長六寸其  
剖其半付擺邏黔省邏斛州地名毋運亭統轄上  
下擺邏以竹符爲信文淵發符調擺邏猺勇六百  
五十名大破狎苗於紅水江上掃盡虜蟻生擒王  
生擒其魁三日而狎匪悉平

蠟味小彙

卷五

四

揀把殘軀斃虵弩

擺邏山中有一蛇長二三丈歲二  
三月間中人爭割蛇肉擇其已

窩而尚能跳躍者貯之罐中久久糜爛罐外生硝  
取太平府之花如牡丹者與硝合搗爲泥數箭頭  
驟乾箭能平空自動取以射賊中者州倅之擢晉  
皆發狂自相攻殺狎苗平日極畏之

其秩鴉翎之

賜寵其飾丐者之爲誠不測丐者

之功真第一後來令羅城乃有朱德奇奇寃不可

雪一命如懸絲君又爲丐廉得之置葉祖林於法  
出朱德奇於危始知丐者所施無不宜君之爲丐  
奇若此君之爲丐可以止乃以來賓獄檄君相料  
理君又爲丐走千里游行直出鎮南關越境遂遭  
輦帶褌奉成何事體遂有新疆之戍旨倘或挑動邊衅嗚呼君之功名  
直以丐終始日昨賜環來中湘得君諸事心慨  
慷慨哉不相見僅以弱管傳君如火之剛腸知君  
才與力相競公事生來忘性命行軍定是飛將軍  
作令終成疆項令

偶然作十絕句

蠟味小橐

卷五

五

神仙富貴兩依稀見說天台事已非喫盡胡麻無  
好味爭教劉阮不思歸

歲月堂堂奈老何強將印綬換煙蘿也知李揆非  
龍鳳在笑獐頭鼠目多

蠻觸功名不耐看此中消息最無端殘棋歷盡千  
回劫一著收來算更難

到官便作小山招欲問柴桑向柳條一個督郵迎  
不得爭禁人折十年腰

宦跡頻年誰繞枝靜中物理費吟思芳蘭合向風  
前種香在重簾豈得知

分明一飯記無差漫說恩深未有涯縱要銜環同  
小雀生來誰復飼黃花

障盡元規扇底塵那堪傲骨尙峻岫堆來故牘高  
於几便算儂家著等身

長裾何惜走趨勞俯仰依然類桔槔不向延津化  
龍去可知寶劍是鈇刀

到此方知進退難當年深悔說彈冠粟囊未救長  
飢朔翻作侏儒一例看

魚鳥三年亦自猜敢將頽放說形骸莫嫌路鬼非  
知已聽到挪揄是愛才

蠟味小橐

卷五

六

湘陽樓歌

湘江西來千里曲流過潭城抱城綠人家一面盡  
涵江果似生綃展橫幅觀湘門外湘水浮下游高  
時有萬樓居人欲令勢角立傑構遂與盈數侷陰  
是水南陽水北錫以湘陽名亦得烏下千重波浪  
聲闌前萬疊雲霞色山峯平遠過江青帆影模糊  
當檻黑近依雉堞作展負遠對浮圖如荀植對岸即高  
峯嶺茲樓豈獨壯觀誇往來亦足供皇華湘潭當楚  
衝冠蓋往來絕無駐足之所紳士楊慶粵兩省之  
響等捐建此樓以當驛館損費數千緡邑中黔實  
我心獲彼豈有意青烏家無端忽惹堪輿謂更說

科名成色叫偶無人賦鹿鳴歌遠使同爲蜂口闢

丙子秋邑中無鄉薦羣歸咎於樓之不吉議將平毀

槌來直欲碎黃鶴毀去

幾同議鄉校此出鄉曲無識輩詎士大夫亦渴單

欲毀者一倡百和雖士君子亦爲所惑可嘆也國謬正俗云太原俗謂事不帖安有可驚嗟謂之渴

單

不知或爲褊心刺知者徒爲破顏笑今年龍生

步玉堂春風吹徧泥金報

門下士龍瑛邑之彥也捷南宮入翰林議少息

前此謂禍旣誰歸今之謂福又誰召須知此日慶

彈冠卽是從前打毬毬功名數定本在天日者之

言僅辜較流太雖已止甌吏怪他尚有多言躁

雖議

息猶有後言者亦所謂強顏耳今我萬事不挂心高樓日上看遙

蠟味小棠

卷五

七

岑黃梁一夢且待醒也擬岳陽飛朗吟

樓上供純陽子像故

### 水陸送迎曲

大府肅肅行兼程百僚皇皇爭送迎送迎宜遠不  
宜近遠則打敬近匪誠此近彼不近晨發宵征敢  
不謹此遠彼更遠百里雖逾安可返望中車馬塵  
且囂未見顏色先旌旄大府車幘綠葡萄侍中之  
貂元戎袍扶輿而趨兵衛驕長戈耀日森前茅文  
吏長裾玉束腰猛將寶劍盤花繚車中警咳車外  
應左右讐伏寒生毛道旁首下尻益高領之而已

無汝曹逢迎百計冀一當豈識十日馳驅勞陸亦  
迎水亦迎畫船駱驛波濤生水迎更比陸迎苦探  
刺不定心忤忤去亦送來亦送送盡天涯竟何用  
華筵一路換紅氍侍從分行騎白鳳縣官奔走不  
得甯百姓待判環訟庭訟庭萬事且關束但向前  
途問遲速

事上官

屬吏難事上官上官欲事心力殫事之如嚴父上  
官威重孰敢侮事之如慈母屬吏逢迎無不有取  
魚山上捉雞水中縱山水之所無必求其有以爲

蠟味小彙

卷五

八

功偶或拂其意日夕負疚心忡忡吁嗟乎視無形  
聽無聲事親之道本至情屬吏且過之始識事上  
心更誠若使晨昏定省盡如此豈非世間大孝子

交印

十年縮銀章一旦辭墨綬手把子男印遽向新宰  
授人視快意遭我且降心就平生服官意到此頗  
知謬惟覺重負釋差喜復吾舊有如散塾兒嬉戲  
自穉幼有如歲務閒農事已畢收有如出籠鶻翱  
翔小宇宙有如脫銜馬從容就芻豆塵牘盡束閣  
絕勝浴去垢迴憶莅任初一夢蕉鹿覆令尹拳帷

來凡百剝奔走流蘇颺輕風旌旆展華繡分明埜  
澤呼或啓疑者竇入主出自奴此境識已透印來  
迎之恭再拜常偃僂印去送之速毋許少逗邇來  
去兩無端笑看白雲岫回首印奩空簾影漾清晝  
西院梧桐樹相看過五年碧垂多雨後涼蔭未秋  
先長養非今日飄零又各天河陽花滿地爲尔獨  
畱連

自官廨移居民舍

休嫌家具少於車暫向城西小結廬門巷冷疑三

蠟味小棗

卷五

九

尺水夢魂清伴一牀書苔花慘徑鞦痕滑蛛網牽  
塵印匣虛底用卜隣千萬買此身已近聖人居  
地名學坪蓋文廟餘址也

陳言束閣許偷安丈室凝香亦自寬晏子囂塵緣  
近市淵明流憩正辭官定知遇客車廻軫豈復前  
驅矢負籛昨日路逢新令尹翻疑我作部民看

題鄧蒼香齋府

景福

清瑤獨聽圖

萬個琅玕綠正饒閒庭秋響聽瀟瀟此君縱有凌  
雲態逢著風來也折腰

金庭山色過瀟湘

君吳之洞庭山人

逸興知君一例將他

日定爲饒太守莫教噴飯在貧營  
科頭隨意坐莓苔爽籟泠泠日幾回未必此中容  
獨賞門前還有子猷來

寓齋感興六首

江上兼旬雨城頭大段風閉門寒正劇開卷酒頻  
中白髮隨年長青雲泣路窮士元非百里休說半  
英雄

爽塏誰更宅蓬門爲客開但看蠻觸至無復鉅耶  
來落拓難隨俗逢迎始見才寸衷人不識蠟炬已

成灰

蠟味小棠

卷五

十

冉冉駒過隙栖栖鴈啄霜壯懷雙耳熱閒地一心  
涼寶玉原燕石山鷄是鳳皇相看有如此何處說  
行藏

縱有韻思過何庸刻意懲不逢龔遂憤敢效郢都  
鷹天道誰榮落人情易愛憎六年膺赤緊原是百  
無能

薄宦成何事頻年祇憶家闕居非洛涘卑濕正長  
沙鄙醜他鄉酒蘼蕪故院花由來騷客地哀怨在  
天涯

我有愁千斛凌空化暮雲世情雙眼換位業一朝

分單立誰援繫當官祇恪勤寒聲催落葉風色正  
紛紛

王書巢司訓見贈文待詔畫幅賦謝

待詔自題上方云燕山二月已春甯宮

柳霏煙水映藍屋角疏花紅自好相看

終不似江南跋云甲申三月邦正過話

家鄉風景寫此寄意此詩尙存集中

中湘舊令中非熱一解銀章腰不折眼前萬事不  
挂意惟有思鄉心轉結城西甌屋儕吏民吏民原

識宰官身瘦羊博士居偏近千萬何須更買隣昨

蠟味小橐

卷五

十一

過高齋背藉春圖書插架無纖塵手持小嶮來贈

我畫者衡山待詔文憶昔先生試京國木天署裏

霄微職奏章見說薦中丞寶錄曾充修正德

先生以巡

撫李充嗣薦適以歲貢試吏部奏

授翰林院待詔預修武宗實錄是時習俗重科

目意每趨朝不自得翻然一權返吳間畫法書名

動人色書名早受李公

貞伯

傳畫法能窺沈子

周

室須知此畫在當年正是燕山鬱居日春光終不

似江南花柳偏生故鄉憶甲申詩句自題名集裏

相看猶可識我生家住明湖邊隔斷煙波二十年

行將北闕朝金陞常憶西湖汎畫舸感

君贈我還自哂小隱何時換中隱淮南叢桂意同  
招莫使歸期長不準

鴈

君看隨陽鴈同飛爲稻梁有時難共啄忽去不成  
行高舉人何篡孤栖意自傷生來長傲冷天關正

清霜

卽事六絕句

祿格三年見至公論珠貢玉幾回同如何買得干  
金骨不在龍髻鳳臆中

競說當年薦士勤蘇公意氣本如雲生來未解苞

蠟味小橐

卷五

十三

苴事雙井何緣歲一斤

傳聞薦剡每驚猜召杜冀黃幾箇來撫字豈能書  
上考循良終竟是迂才

蒼生若箇奈卿何未許空張一目羅五字英才三  
語掾品題眞處不須多

耕田識字兩稀依月且評來事已非畱得紛紛餘  
子在盡教以下檜無議

誰家歌舞散梁塵院落秋千正好春惟有畫堂栖

燕老一生空對捲簾人

用呂申公陳文惠事

鎮日長關白版扉，鑪香茗盃總相依。凝暮色天  
將雪，雲壓寒空鴈不飛。習嬾久逢公事少，離官漸  
覺故人稀。十年回首風塵在，莫道而今未息機。

題毛秋伯明府行卷

廣陵才子兼才吏，赤紫頻膺及鋒利。不爲保障爲  
繭絲，斯言定識非君意。今年鳧舄朝玉京，大府  
競奏龔黃名。平生讀書未讀律，萬卷旣破律自精。  
使君通籍年方壯，意氣常凌眾材上。偶逢論議皆  
慨慷，更對詩歌喜豪放。想見皇州春色多，花

時處處動鳴珂。五雲闈闔

天顏近朝罷

恩

蠟味小棗

卷五

三

霜太液波輕帆，遙指淮南南路。畫錦重歸，釣遊處徵  
歌賭酒。十年前不覺芳華感，遲暮昨朝投我。幼婦  
醉旋風，筆底龍蛇馳。登山臨水長如此，弔古懷人

兼有之愛看一首江行記更賦玉環志奇異

皆卷中佳

作吳頭楚尾往來多是我當年舊遊地我媿頻年

困簿領政事文章兩難省生來不作梗隨波事去  
難期囊脫穎卽今湘南五及瓜君來得代喜散衙  
萬人矯首神明宰一縣誰看舊種花君才天馬無  
羈縛萬里胸懷長落落好句由來勝好官功名已  
到麒麟閣

見司空表聖句

龍烈婦

嘉慶丙子六月湘潭龍南芳之妻周因  
拒姦不從爲劉文青所殺獄具斬文青  
烈婦援例得旌余時適修邑志爲之  
立傳逾一載忽有造蜚語云婦非真烈  
者余初詣驗時見其死極慘萬目共睹  
咸切齒於文青後文青至亦俯首伏罪  
不知造語者何意詰其自卒無所指而  
志館諸同人爲其所惑遽刪去本傳但  
存姓氏而已使觀者不知所謂烈者何  
事余爭之不聽烈婦旣死於文青復誣  
於蜚語又抑於志傳之刪是一寃而再  
三寃也設無

朝廷一旌不幾沈海底哉因存其傳於文

集中而作歌以紀顛末俾後此修志者

或有采焉亦烈婦之終幸也昌黎云小

人好議論不樂成人之美古今一轍可

慨也

周氏女龍氏婦家在七都年十九有夫有姑兼有  
舅生來弱質何娉婷奸人詭之詎肯聽忽然中途

蠟味小彙

卷五

十四

起奇禍不聞粉香聞血腥誰其殺者劉文青文青  
舊與同都住謹以微辭色然拒色然拒烈婦怒烈  
婦怒時劉亦怒欲得而甘心不怕爾徃向誰懇其  
夫畏其暴隱忍常吞聲其身畏其暴不敢與力爭  
惟有烈婦不知畏誓欲與劉判死生後來避居隔  
鄉里劉身雖隔心不死尋蹤覓跡稱媿來不見婦  
身心已灰大堪衝前忽相遇追問婦將何處去露  
刃相持劫以強烈婦見之心惶惶心雖惶惶膽更  
張抗聲而詈狂童狂烈婦之詈肆口出文青之刀  
揮手疾愈詈愈斫斫愈詈刀下風生畱不得班班

蠟味小豪

卷五

五

一十四傷痕上下衣衫紅一色旁觀嚙曦氣不平  
彼劉之肉安足食獄辭具向大府申誅奸旌烈無  
逡巡邑令傳之入志乘要令大節垂千春無端蜚  
語隨風至欲以虛疑舛厥事謂婦與劉舊有私婦  
別有遇將劉棄果爾文青赴鞫時何以曾無一言  
置卽如隣里相佐証何以公然無異議事前尙不  
聞讒語死後何庸肆狂噬得毋出自文青黨欲蓋  
翻將罪文致莫須有豈能服人一言和乃傷天地  
搖惑遂及士大夫白璧一任青蠅污鑠金之口縱  
可信如山之案焉能証忍死不辱本奇烈世卽以

烈轉誣巖人心之險安可說吁嗟乎人心之險安  
可說我今作歌慰爾魂爾名自賴 朝命存君不  
見百二十年前事或彷彿烈女尙有吾鄉孫烈女  
孫秀  
姑錢唐人爲其隣閩士積所批服滿死年十五官  
爲斬閩而旌孫事在康熙二十七年邑人馮山公  
爲之傳

題楊五綱堂七襄圖

天上人間機杼同曝衣樓閣見玲瓏蔡家尙有麻  
姑爪不信銀潢組織工  
莫將頑石更支機指點虛無徑路微畱得生綃輕  
似霧金刀翦出五銖衣

蠟味小棗

卷五

六

鸞駟雲駢縹緲輕七襄幾見報章成知君畫出非  
無意欲倩黃姑作小名君名雲錦爰取坡公天孫  
爲織雲錦裳句繪此圖蓋  
有所喻也

龍經鳳緯手頻搓未許凡塵豔綺羅織罷不知花  
似海滿天雷雨盪飛梭

謁尼送喜說相思曾記涼蛛隋一絲誰道新偏不  
如故大人三日未嫌遲

繡段當風不度鍼就中應費美人心官坊花樣從  
君看下界空勞附火吟用唐盧氏子事

鬼子被歌

十君次翁十九湘浦

世路

自粵東歸以鬼子被

見貽非絮而軟于絮似毛而溫于毛似

組織所成而無組織痕亦奇伎也賦此

志謝

故人過歸自東粵長鬚手抱隆然白風前忽訝絮  
飈空几上渾疑雪凝陌鬼子被出自鬼工寒回直  
使天無功感君携贈舊令尹相對絕勝裘蒙戎其  
長六尺寸又六濶四尺餘六寸足厚逾一寸周四  
邊兩面展看無反覆不知所製竟何物吉貝毳羅  
徒彷彿鋪來一片似春雲貼妥何煩金斗熨我聞

蠟味小橐

卷五

十七

白豹禱賜楮彥回萬錢之贖無嫌猜又聞太真舊  
有綠熊薦溫毳藏人不可見世間珍物洵有之耳  
目庸陋安得知此被亦是獸毛鳥羽所組織妙手  
一出成神奇我欲置之芙蓉之羽帳櫻桃只見紅  
珠漾我欲伴以角枕一雙燦無復當年錦衾爛想  
當來自滄海東暖氣早隔蓬萊風神魚穹龜不敢  
妬坐令睚盱之輩畱奇蹤天衣一樣看無縫軟美  
能銷夜寒重黃紬已是罷朝參莫教長護邯鄲夢

春寒

一半春光料峭中十分寒雨十分風鸞花窳地簾

拖碧鳧藻依入火燄缸但有重金畱曉夢更無遊  
展戀芳叢驚心社日看都過翻怪營巢燕未工

喜晴

開門見朝曦恍若逢故人又若沈疴起紛然眼界  
新去冬苦雨雪瑟縮不得伸春來更淋浪簷溜森  
如銀韶華暗中度已過一半春聽雨惜韶華莫展  
雙眉顰天公埽幽滯變換真有神我方息塵機正  
復苦因循因循豈天意毋乃人事屯今茲霽色佳  
不覺衣屢振拍城新漲來欲駕輕橈胸懷同浩

蕩萬里鷗波駟

蠟味小棗

卷五

六

行路難

行路難難何許不在行路在居處眼前之境何處  
不險阻路難非苦境難苦

一解

莫謂平坦地崇山

峻嶺比此易莫謂陽和天寒風堅冰當我前天時  
人事每相似天雖有之不至此

二解

以爲兄奪我

耕以爲友掣我肘危坐而正襟晤對而彈琴人視  
爲寄釜不知鉤距城府一一生其心

三解

心在於

西口言其東心雖人殊口無不同豈心口之不應

本非由衷

四解

持人之短而無所款逞已之謀而

不知何求但得一朝竟敗乃公事彼之此心然後

肆五解慨我生平兮支左詘右泥塗久辱兮跋前

疐後將視此爲康莊兮乃竟值此崎嶇望歧路之

欲泣兮孰有過乎宦途

六解

題謝六嶺高梓觀海圖

書生膽薄心多駭公然放膽來觀海賦成六合豈  
盡愚跳徧雙丸長不改排空濁浪浮青天激湍  
湧相連延天吳蝸象閃屍出陽冰不冷陰火然眼  
前萬怪無不有雲夢君曾吞八九神山之船貫月  
槎何不乘之挹北斗茫茫對此將何心戕風飛滂  
吹滿襟石華揚帆采不得移情豈有成連琴我家  
蠟味小橐

卷五

九

虎林隣海國三天子都水不測婆畱強弩射潮頭  
海若東來水四立天下之險惟海水我謂眞險不  
在此君不見塵海從來險不平波濤插腳心魂驚  
滄桑頃刻等閒事魚龍變幻同時情又不見宦海  
之險險更絕時見檣傾與柁折縱然閒暇挂輕帆  
忽有狂飈從後擊羨君嘯傲凌滄洲胷懷浩蕩狎  
海鷗日月之旁安穩過何必生將巨浪波

癸酉歲有次韻家雲池孝廉七律四章所

書牋爲友人持去雲池出素扇索補寫原

詩重展舊題爲之惘然書竟復附一絕於

本自古後時戊寅四月望日

舊題重展倍堪嗟空對河陽滿縣花誰道飛鴻飛  
不定爪痕依舊在天涯

吳松厓

寶書

花卉畫冊爲劉萼樓題

松厓先生舊贈我貌得江南鐵鉤鑲過江驛使一  
枝來寒生素壁虛堂左

松厓曾寫梅一幅寄我於揚州

卽今寶之

近廿年過眼萬事如雲煙君居梁溪我湘水相思  
客路逾三千忽看畫冊如梵夾認得當年寫生法  
暖翠輕浮玳瑁裝濃香遠暎琉璃匣就中鼠姑花  
一幅國色天香富貴足淋漓大筆灑燕支不數袖

蠟味小彙

卷五

二

紗紅映肉生來名豔不可誣萬花對之顏色無東  
皇開出用全力君亦寫此勇賈吾其餘點染皆妍  
麗開簾便覺東風細流鶯過處乍迴頭粉蝶飛來  
小凝睇我欲寄聲煩主人惜別屢覺雙眉顰乞君  
更畫淮南叢桂小山綠莫畫澧蘭沅芷湘江竹

小引

患癰

癰疽疔毒

我昨筮周易得夷于左股果然癰在臀一發不可  
阻當其炮初起小僅上黨黍漫視不在意謂此何  
足數詎料勢猖獗毋乃意莽鹵養癰貽後患斯語  
本自古深悔在當時不用勤用撫紫堅疑桃臬紅

潰等肉脯熟如婆餅焦痛甚艾火炷坐則同湯偏  
右支左難挂卧則利用伏如學楚子鹽常時事摩  
抄鎖日聞嗅咻音偃注之以靈藥封之以班楮膿  
肌凝液漵血藩滴鍾乳潰豈一乘車決待千鈞弩  
雖有眼前瘡剜之亦何補世無薛伯宗一徙釋奇  
楚安得何羅魚飽食不知苦譌水有何羅魚一首而十身音如吠犬食之已癰見山海經

題南嶽圖

我官湘潭逾五年祝融南望當其前靈山咫尺不  
可接坐令石廩天柱埋寒煙朝來展視圖尺幅七

蠟味小橐

卷五

三

十二峰森在目峯峯都欲上青天一卷收來堆几  
綠我欲按圖作勝遊塵襟輸對清湘流帆隨湘轉  
衡九面面面恐作山靈羞我不能遊神獨徃空說  
三食適莽蒼岫嶺殘碑未許看山中景物生遐想  
我聞珠上之珠如塵輕憑霄銜砂積累成方回仙  
人舊有讚青珠拾得應長生又聞堯時瑪瑙竊寶  
露盛來沆瀣重帝舜遷山更築壇後來曼倩銘堪  
誦左涌丹水右醴泉芙蓉石室多飛仙山中草木  
無棘刺石柎三色花清妍更溯朱張兩夫子冒雪  
同遊曾止此卽今指點馬祖庵紫陽南軒遊山曾宿山中不數

彌明遇侯喜凡茲舊蹟難具陳  
泝遊祇覺馳心神  
宣和大書壽嶽字至今無量之乞勞  
世人生平媿  
乏濟勝具披圖已當名山週功名  
心早似殘灰不  
向嬾殘分半芋

讀家雲池學博二雲書屋詩草因作長歌

奉簡

我幸湘南足詩友不及吾宗鳳樓手  
昨朝詩卷徑  
寸投才氣縱橫無不有乍見軒昂紙  
上來還驚精  
銳行間走杜陵面目幾人同長吉心  
肝應獨嘔卽  
今詩道多委靡容易千金享敝帚粗  
豪或致悞奇

蠟味

小彙

卷五

三五

雄直率居然貌古厚不爾風雲月露詞  
甜俗如澆  
平鬲酒我每讀此不謂然疑蓄於中未  
容剖君詩  
琅然快人意勝掃積陰去豐蔀卽如我  
初下車時  
欲報瑤章乏瓊玖君前曾  
惠四律窺豹雖僅斑見一春糲  
懸知裨餘九後此君作不常見石鼓誰  
將蜀材和  
今來幸得暗厥全服在心宵熟在口有  
才如此合  
富貴冠附貂蟬印懸肘朱顏坐令章句  
凋一片酸  
吟出虛牖大凡物各鳴不平此意終嫌  
結習狃繁  
華過眼盡雲煙惟有文章長不朽李杜  
韓蘇骨早  
蕪李杜韓蘇名自久多少紆青拖紫人  
姓氏不知

誰某某願君努力定千秋豈必元經同覆瓿我名  
未占古人先我名豈讓今人後君讀唐詩有折衷  
持論名通吾俯首君有讀唐詩偶成章足爲論詩之準十年簿領  
學殖荒昔本凡姿今老醜縱然讀律未讀書尙欲  
分君才一斗暮年毋使氣頽唐獨造還須志堅守  
何時樽酒細論文夜雨畦丁來翦韭

郭烈婦

烈婦王氏湘潭庠生郭凌雲妻順治戊  
子潰兵掠鄉村凌雲他出氏携子之佩  
之璽扶姑避賊至半山灣賊追急氏走

蠟味小彙

卷五

三五

伏茨中賊執其姑將殺之氏出抱姑曰  
甯殺我毋殺我姑賊見氏少艾遂棄姑  
挾氏去氏度姑與子已遠據地不肯行  
賊怒之氏罵不絕口賊刃其首者三危  
坐而死逾年其夫始知其死覓骸以斂  
屍尙如生余旣傳入邑乘進士郭雲麓  
汪璨其族孫也將修譜來乞詩因詠其

事

誰言烈婦不畏死蒼黃扶姑携兩子誰言烈婦不  
畏賊潛匿茨中行不得當年賊勢多猖狂殺人沿

路飛刀光刀光落地血上濺血氣挾風風不涼半  
山灣前姑被執老姑存亡在呼吸烈婦躍出乃大  
呼但乞姑生不遑泣此時將死不知慘此時對賊  
無不敢本是嬌柔一寸心居然激厲渾身膽出生  
入死賊之令九死一生姑之命視死如生婦之性  
以死易生婦之正不但保姑兼保兒此行慈孝兩  
得之不肯隨賊力誠果三刃其首首不墮吁嗟乎  
豈惟刃首首不墮君不見良人隔歲求屍屍如生  
猶見道旁正襟作危坐

病而求息追昔撫今感賦長律十六首

蠟味小彙

卷五

三

無端忽現宰官身原是當年舊角巾筮仕已憐非  
遠志量移翻覺有前因丁卯冬余由江右赴楚南  
道出湘潭始入城陪吳鹿  
柴明府壬申卽量移  
於此人以爲先兆云久拋陶令籬邊菊慣障元規  
扇底塵十載馳驅慙卧佛定知此子亦疲津

宦轍真同蜀道難休從險境說平安枯樗身世原  
無定傀儡衣冠已厭看馬齒自憐無壯歲蠅頭何  
事戀龕官故園尚有閒鷗鷺數到前盟未可寒  
帶索行歌不耐愁飄零何惜此身浮蓬人多作儀  
同面責我先看子羽頭丹桂有梯曾入月青袍如  
草欲成秋平生枉是憐蘇季十上秦書未見收

頻年蹤跡類擲沙湖雨江風久寄家萬事消磨羈  
旅日一生孤負故山花何人爲畫屏間影有句難  
籠壁上紗太祝官銜司馬淚儘拋愁思在天涯

相對雲泥總各天一官聊復共班聯定知寒士終  
難免不耐名疆尙屢牽身縱無權心自盡才當欲  
殺意猶憐只愁長柄壺盧問雖是江東也惘然  
檢點應憐骨相輕暫從中隱托浮生磨驢踏跡終  
何益混沌書眉總未明作令有誰畱譜在爲貧幾  
見得家成原知負郭田無分且把耰鉏學退耕

蠅味小彙

卷五

三五

稱驥琴到焦桐已枉材毛遂穎誰囊脫後蕭公符  
似火飛來民人久與花同愛曾對潘郎歲歲開

也復飛飛傍杏梁烏衣原不是尋常世情已作棋  
枰歛宦興終輸弩末強無病自憐遭鎖鎖

貫休句  
世病如

山岳世醫皆拱手道病  
如金鎖師遭鎖鎖否相逢人道不狂狂從今飽  
喫黃梁飯一枕清風醒夢長

落涵飛花敢羨茵此生疑幻復疑真迢迢鄉遠三  
千里碌碌身同十九人事到白頭應作達時無青  
眼獨傷神攀轅臥轍原虛語且結他年未了因  
到此翻教別緒牽定知歸去也茫然浮屠有戀非

三宿翠黛畱人已五年事過不堪常鑄錯毀來何苦又求全而今悟得升沈意莫把升沈更問天

休將腐鼠嚇鳶雛黃鵠青天與不孤三黨聲華皆鍛鏤十年蹤跡在泥塗 朝廷許作斯民母大府

驅爲下走奴漫道讀書期有用卽今家 國兩難

圖

黃紬幽夢祇驚鴉錯認虛堂欲散衙此去眞如僧退院得歸差免客思家但愁新故呵亭尉底用官私問砌蠅回首河陽春色在翻嫌我似路傍花

宦途如海片帆揚險阻而今已備嘗虎欲畫來終

蠟味小棗

卷五

三五

類狗牢曾補處爲亡羊交逢秦越無眞契過論公私有舊章世事雲煙空復爾一時恩怨兩難忘

就中心事竟誰論回首前時有涕痕葉落自應歸

故土蘭芳豈許在當門亡來博士無知己

調李博士齋生

同

年除却中丞少舊恩

調陳笠帆中丞

最羨朱桑無別戀到

家惟說酒盈尊

丹詔何曾出

九重朝

天枉說佩從容難

因西笑承

新渥空賦南飛感舊蹤若輩幾曾

知借寇有人從此不圖儂頭銜手版都拋却贏得

孱軀一味慵

人才如此竟投閒且復栖遲十畝間  
老去年華水同逝  
生來傲骨石爭頑  
張郎何處成通貴  
潘令終憐是末班  
未免被他猿鶴笑  
出山不了又還山

題毛秋伯明府司花小像十首

人間天上兩應同  
主宰穠春卽化工  
拋却河陽花萬樹  
讓君長住綺羅中

劉郎去後尙花開  
誰向元都觀裏栽  
共說今年春更好  
龍言鳳語九天來

使君心性擅豪華  
十二釵梁豔綺霞  
絕似循王好度一  
姬分占一行花

蠟味小橐

卷五

七

薰衣花氣遠難分  
釧動釵飛玉一羣  
曲折石闌隨意轉  
香風吹過暑如雲

豈羨秦王譜卷衣  
五銖痕摺見依稀  
不教骨似香桃瘦  
周昉從來善畫肥

雀扇圓圓靜掩香  
薔薇帳外小洞  
那不逢紅粉回頭處  
誰信分司御史狂

司花使者有前因  
原是神仙富貴身  
我亦慣看花似海  
而今却作海揚塵

鶯簾燕閣貯春愁  
昨夜西園雨正收  
二十四風休太急  
養花天氣要溫柔

綵巵樹出酒沮暇管領名芳亦自尊此日眾芳欣  
有主不知誰戀護花恩

情懷惜別每無端春到江南

時余將

明日二分橋  
並誌別意

廿四更無人處玉簫寒

曉

卷五

